

সনি,

ক্ষমা কোর আমায় । প্রতিজ্ঞা করেছিলাম তোমার রক্ত বৃথা যেতে দেব না । পারলাম না । তোমার ক্যাম্পাসে এখন সদর্পে মুকি, সায়হাম, শরীফ ঘুরে বেড়ায় । যারা তোমার হত্যার বিচার চেয়েছিল, এখনও চাচ্ছে তাদের ওরা প্রশাসনের সহায়তায় পুলিশী প্রটেকশনে পিটিয়েছে । তোমার জন্য যারা দীর্ঘ ৭ দিন না খেয়ে আছে আমরা তাদের তোমার খুনীদের হাত থেকে বাঁচাতে পারিনি পুলিশ ছিল বলে । যে জি. এস. হাসিব শিবিরকে সাথে নিয়ে তোমার জন্য আন্দোলনকারীদের উপর চড়াও হয়েছিল আমি নিজেও তাকে ভোট দিয়েছিলাম । আমার সেই পাপের প্রায়শ্চিত্ত করতে পারব কিনা জানি না । তুমি হয়ত কোনদিন ই জানবে না আমার পরিচয় । কারণ আমার পরিচয় জানা মানেই বুয়েট থেকে নিশ্চিত বহিষ্কার । যদিও নিজেকে বুয়েটের ছাত্র পরিচয় দিতে এখন গর্ব নয়, লজ্জাই পাই । যথাসম্ভব বুয়েট ছেড়ে এ লজ্জা থেকে পরিত্রাণ পাওয়ার আগ্রাণ চেষ্টা চালিয়ে যাচ্ছি ।

তোমার ভাই ।